

নম্বর: ৪১,০০,০০০০,০৫৪.০১,০০১,১৭- ৫২

২৬ আষাঢ় ১৪২৬
তারিখ: ০৯ জুলাই ২০১৯


পরিপত্র

বিষয়: প্রতিবন্ধী ব্যক্তিগণকে চাকরিসহ অন্যান্য সুবিধাদি প্রদানের ক্ষেত্রে সমাজসেবা অধিদফতরাধীন জেলা সমাজসেবা কার্যালয়/উপজেলা সমাজসেবা কার্যালয়/শহর সমাজসেবা কার্যালয় কর্তৃক প্রদত্ত পরিচয়পত্র (আই ডি কার্ড) কে মানদণ্ড হিসেবে বিবেচনা করণ।

উপর্যুক্ত বিষয়ের প্রেক্ষিতে জানানো যাচ্ছে যে, প্রতিবন্ধী জনগোষ্ঠীকে উপযুক্ত চিকিৎসা, শিক্ষা ও প্রশিক্ষণ প্রদানের মাধ্যমে দারিদ্র্য নিরসন ও জীবনমান উন্নয়নের লক্ষ্যে প্রতিবন্ধিতার ধরণ চিহ্নিতকরণ, মাত্রা নিরূপণ ও কারণ নির্দিষ্টকরণের জন্য সমাজকল্যাণ মন্ত্রণালয়ের অধীন সমাজসেবা অধিদফতর ২০১৩ সাল হতে দেশব্যাপী 'প্রতিবন্ধিতা শনাক্তকরণ জরিপ কর্মসূচি' পরিচালনা করে আসছে। এ পর্যন্ত সারাদেশে প্রায় ১৬,৬১,০০০ জন প্রতিবন্ধী ব্যক্তির তথ্য সংগ্রহপূর্বক স্বাস্থ্য অধিদপ্তর কর্তৃক মনোনীত ডাক্তারের সহায়তায় প্রতিবন্ধিতার ধরণ ও মাত্রা নিরূপণ করা হয়েছে। যথাযথ প্রক্রিয়া অনুসরণপূর্বক সমাজসেবা অধিদফতরাধীন জেলা সমাজসেবা কার্যালয়/উপজেলা সমাজসেবা কার্যালয়/শহর সমাজসেবা কার্যালয় কর্তৃক 'প্রতিবন্ধী ব্যক্তির অধিকার ও সুরক্ষা আইন, ২০১৩ অনুযায়ী পরিচয়পত্র (আই ডি কার্ড) প্রদান করা হচ্ছে। এটি একটি চলমান প্রক্রিয়া।

২। সাম্প্রতিককালে লক্ষ্য করা যাচ্ছে যে, বিভিন্ন মন্ত্রণালয়, বিভাগ, দপ্তর ও পরিদপ্তরসহ সরকারি, আধা-সরকারি, স্বায়ত্বশাসিত প্রতিষ্ঠানে প্রতিবন্ধী ব্যক্তিদের চাকরি দেয়ার ক্ষেত্রে সমাজসেবা অধিদফতরাধীন জেলা সমাজসেবা কার্যালয়/উপজেলা সমাজসেবা কার্যালয়/শহর সমাজসেবা কার্যালয় কর্তৃক প্রদত্ত পরিচয়পত্র (আইডি কার্ড) বিবেচনায় না নিয়ে জেলা সমাজসেবা কার্যালয় হতে সনদপত্র চাওয়া হচ্ছে যা 'প্রতিবন্ধী ব্যক্তির অধিকার ও সুরক্ষা আইন, ২০১৩ এর পরিধি। উক্ত আইনের ধারা ৩১ এর উপ-ধারা (৬) এ উল্লেখ রয়েছে যে, ' এই ধারার অধীন ইস্যুকৃত পরিচয়পত্র ব্যতীত কোন প্রতিবন্ধী ব্যক্তি এ আইন বা অন্য কোন আইনে প্রতিবন্ধী ব্যক্তির জন্য নির্ধারিত কোন সুবিধা গ্রহণ করিতে পারিবে না'।

৩। এমতাবস্থায়, চাকরিসহ অন্যান্য সুবিধাদি প্রদানের ক্ষেত্রে সমাজসেবা অধিদফতরাধীন জেলা সমাজসেবা কার্যালয়/উপজেলা সমাজসেবা কার্যালয়/শহর সমাজসেবা কার্যালয় হতে প্রদত্ত পরিচয়পত্রকে (আইডি কার্ড) মানদণ্ড হিসেবে বিবেচনা করার জন্য অনুরোধ করা হলো।


(জুমেনা আজিজ)
সিনিয়র সচিব

বিতরণ সময় কার্যার্থে (জেগেটতার ক্ষমানুসারে নয়):

১. মন্ত্রিপরিষদ সচিব, বাংলাদেশ সচিবালয়, ঢাকা।
২. মুখ্য সচিব, প্রধানমন্ত্রীর কার্যালয়, পুরাতন বিমান বন্দর রোড, তেজগাঁও, ঢাকা।
৩. সিনিয়র সচিব/ সচিব/ ভারপ্রাপ্ত সচিব (সকল)

মন্ত্রণালয়।

✓ মহাপরিচালক, সমাজসেবা অধিদফতর, আপারপীও, ঢাকা।

স্টার্ট আওতাধীন অধিদপ্তর/সংস্থা/দপ্তরসমূহকে অবহিতকরণের জন্য অনুরোধ জানানো হল।